

جریدہ علیہ

مشيخت جليلہ اسلاميہ نك بصريہ ر سيمه پيرد

ذی الحجہ سنہ ۱۳۲۹

عدد ۶۸

شديدك آيدہ بر نشر اولور

آلنجي

سؤال

§

[۶۵] نجی نسخه دن مابند

علوم وفنونك، مدنيتك ترقيسيله دينك اساساتی نه دن «حاشا» چوروتيلمك ايستتيور؟

(ج)

الوهيتی اقرار، نبوتك صدق و لزومنی اعتراف ايله ين هر متفكر، كتب سماويه نه استناد ایدن هر دينك نفس الامر، مطابقتی تصدیقه مجبوردر. چونكه حقائق نفس الامریه بی بقعه عدمدن ساحه وجوده ایصال ایدن واجب الوجودك او حقائق كنهیه بيلمه منی محال اولدیغندن حق اولدقلرخی بونجه معجزات ايله تأیید بیوردینی ادیان الهیه منی - حاشا - بر نمونه جهل و بطلان اوله رق وضع بیورمه جنی بدیهیدر. بناء علیه نظر حکمتك پی در پی کشف ایلدیکی حقائقه اساساتی انطباق ایتمیان دین، الهی بر دین دکل، یا بر متدینك محصول تزویری اولان بر ا کذب و یا دشت تخریبك ضربه تحریفه اوغرایه رق بتون بتون اصلی غائب ایدن بر اعجوبه در.

ادیان الهیه نك مکمل و خاتمی اولان، ماهیت اصلیه منی تمامیه محافظه ایله مش بولنا، دین مین اسلامك احکام مقدسه منی تدقیق اولونسون! اساساتی تتبع ايله شرفیاب اولان نظر تدقیق ایچون نورانیت علویه سندن خیره دار تعظیم و تکریم اولماق قابلیدر؟ محلاتی طیات، محرمانی خبائت تشکیل ایدن بر دينك اساساتی فنون حقیقیه، مهنیت فاضله نه موافق کورمه مك عمای جهل و ضاللدن نشأت ایتمه بر غلط حس در.

فی الحقیقه دین مین اسلام (بی الدین علی النظافه) - اسلامیت نظافت اوزرینه مؤسسدر - دستور حکمتی ايله نظافتك اهمیتنی اعلان ایدرکن مقروب نظریه منی میدانه چیقماش، لحم خنزیری تحریم، کلبلك داخل بیتدن تبیدینی امر، لحمك، لعابك نجاستنی بیان ایلرکن تنیا سولیوم (Tenia solium) تنیا اکینوقوق (Tenia echinococcus) تنیا قانینا (T. canina) کبی بنیه حیاتی کیرن طفیلاتك محال نشو و نما منی تعین ایتمه مش، واسطه سرایتی کشف اولتماش ایدی.

استعمالی اهمیتیه توصیه ایلدیکی مسواك ظاهرده ظایت بسیط برشی ظن اولونورکن

— علمای اسلامك بيان ايلديكي فواندى موضوع بحث ايتيوروز — مدنيت حاضره نك تشديرديكي
ارباب فنك انظار تدقيقى جلب ايله مش، سطح فى مضر ميقر و بلردن تطهير، اسنانى خرابيدن
وقايه، هضمى تسهيل كې برچوق فواند و محسنانى جامع بولنديغنى تجارب عميقه نتيجه سنده
تسليم ايتدير مشدر .

مردلو وسائط اختراع مالك اولان مدنيت حاضره نك اعمال ايلديكي فيرجه لرك ديش
اتلرني تحريپ ايتكم ، بلع ايديلان اجزاي شمريه سنك غير قابل استحاله اولمسندن ناشى
تشوشات هضميه ، حتى بعضاً تراكم ايدرك التهاب ذيل دودى اعوره (Appendicite)
سببیت و يرمك كې مضر تار توليد ايلديكي كورولمكده اولديغندن اسلاميتك عصر لرحه اقدم
وقوعه كان شو حسن انتخابنه دائره ماديتده محصور قالانلر طرفندن نه قدر حيرت
ايدلسه بحادر .

موازنيت فكريه يي اخلاص ايدرك ايضاً جناياته باعث اولمى ، داء الكسول مزمن
(Alcofisme chronique) كې اختلالات مشئومه يي بادي بولمى حسبيله بحق ام الحباث
اطلاق بيوريلان مسكراتى ، حيات عائله يي و انتظام تناسل بشرى محوايدن زنا يي ، بر بلاي
خانمانسوز اولان قارى و الحاصل فردى و عمومى فلاكتلرك عوامل و مؤثراتى شسدتله منع
ايله ين بردينك اساسانده كې علويتى تقدير ايتمه مك حق و حقيقته قارشى اك بيوك بيكانه لك در .
علمى مدح ، جهل و تقليدى تزييف ، عدل و احسانى امر ، ظلمى تلعين ، بتون
مخلوقاته رحم و شفقتى تلقين ، خلق ايله حسن معاشرتي توصيه ، داخل دائره هدايتده
بولونسون بولونماسون — انسانى حيا و ميتاً تكريم كې معانى اجتماعيه يي احتوا ايدن اساساتى
تحييل ايتمه مك انسانيت و مدنيتك معناسنى آكلاما مقدر .

قوانين اساسيه حاضره موجود دكل ايكن بتون انسانلرك حضور قانونده مساواتى ،
مصونيت عرض و جانى ، مصونيت مسكنى اعلان بيوران دين ميين اسلام دكيدر ؟

اسلاميت اك قوتلى دملارنده حضور شرع عايله اك عاجز ذميلر ايله مرافعه اولان ،
بلاد مفتوحه سندن مملكته كيرر كن نوبت ركوب كوله سنك اولديغى چون كوله سنى بنديرديكي
دوه نك مهارينى چكن خليفه لرى ايله ، حقنى اثبات ايدن زمينك لهنده ، خليفه نك
عليهنده اعطاي حكيم ايلديكي حالده انسانى مرافعه ده حقتك يدخليفه ده ظهورينى تمى ايتكم
كې حسب البشرى كنديسندن صدور ايدن غير اختيارى برذله يي قارشى دم و فاته قدراشك

ندامت واستغفار دوکن حاکمیری ایله نه درجه مربی روح ، منکی اخلاق اولدینی کوسترمشدر .

حالبوکه فنک ، مدنیتک حتی عدالتک درجه قصواسنه واصل اولدینی اذعاولتان عصر حاضرده نه تبعه سندن عاجز بر شخص ایله مرافعه اولمی ایچون محکمه نك دعوتنه اجابت ایتمش ویا بر بنده سنک بندیکی حیوانی سوق المئش طرفدار عدالت و مساوات بر حکمدار ، نه دد غیر اختیاری بر طرفگیر لکدن دولایی اظهار ندامت ایتمش بر حاکم کورلمشدر .

آبدستنه ، غسلنه ، نعم جلیله الهیهیه قارشى ناچیز بر تقدمة شکران اولان صلاتنه ، اغنیایه آچانی احساس ایتمکله برابر اغنیایله فقرا آره سنده ولوموقت بر زمان ایچون بر نوع مساوات پیدا ایدن ، حفظ صحت نقطه نظرندن اهمیتی غیر قابل انکار اولان صیامنه ، اغنیانک برسنه لك تمتعتندن فقرایه بر حصه منفعت تفریق دیمک اولان زکاتنه ، دنیانک هر طرفندن کلهرک صمیمیه غرور واحتشام ظاهریدن انسالخه نشانه اولمق اوزره احرام بدوش اولدقلى حاله میدان صرفاتده اجتماع ایله این اخوان دینی یکدیگره طانتدیران هججه ، موجودیت مایه واسلامیهی صیانت مقصدیله تکلیف ایلدیکی جهادینه والحاصل عاداتنه ، عدالت مطلقه یی تمثیل ایدن حقوقیاته ، مدارج کمال وملکیته ارتقا یوللری کوسترین اخلاقیاته عائد احکامنه مترتب فوائد و منافعی تصویر وتبیتدن الله بلیغ قلمار عاجزدر .

جمعیت بشریه ایچون دینک لزومه قائل اولان بر طاقم فلاسفه افرنج آره لرنده تداول ایدن ادیان ایچنده سعادت بشری تأمینه کافی بر دینه تصادف ایدمه مدکرندن چوقدنبری دین طبعی نامیله بر دین تأسیسه اوضراشمقده درلر . لاروس دیورکه « دین ، اگر بلا استثنا افراد بشری فوائد مادیه وعقلیه دن محروم استفاده ایمان تک بر جمعیت ربط ایدمه جک افکارک محصله سندن عبادت ایسه نوع بشر ایچون بر امر ضروریدر . » برغایه حقیقیه پیشنده دولاشان بو آدمی حقائق اسلامیهی اجمالا اولسون اکلامغه موفق اولسه لر انسان ایچون عمومک مظهر حسن قبولی اوله جق بر طریق سیاست تشکیکنه بیله امکان اولمدیغی دوشونه رك دین عمومی تأسیسی کی محال اولان بر فکر خودپسنده دن فراغتله افراد بشری هر درلو امتیازادن مجرد اولان بر اخوت صمیمانه ایله یکدیگره ربط ایلک ، مشروع وحقیقه فائده اطلاقی تمییح اولان هیچ برشیدن محروم ایتمه مک صورتیه بشریه محیط انسانی غیر متناهی بر افق سعادت کشاد ایدن اسلامیتی ازجان ودل قبوله شتابان اوله جقلى شبهه سزدر .

جبل متین اسلامیہ تمسک ایدن اقوامک ربع عصرلق برزمان قلیل ظرفنده کره ارضک ثلاثی استیلا کی وقائع موفقیتکارانه ایله مالی اولان تاریخ حیاتی تدقیق ایدلسه کوریلورکه مظهر اولدقلری انکشافات و ترقیات هپ فیض اسلامیله حصوله کلشدر . بونفثاک بارز فقط الحزین بردلیلی مع الاسف رابطه اسلامیتلری انحلاله یوزطوتدیغندن دولایی بوکونکی عاقبه دوچار اولان اقوام اسلامیهدر .

«الامام ضامن» حدیث شریفی کی تک برجهلدهن اون بیک قدر مسئله فقهیه استخراجنه موفق اولان اعظم یتشیدین بر دینک احکام جلیله سنی بر مقالهده علی وجه الاحاطه موضوع بحث و تدقیق ایتیمده کی امکانسزلق محتاج ایضاح دکلدرد . بناءً علیه معترضلرک مقصدی اکر اظهار حقیقت ایسه مناقشه تعیین ماده ایدرک کیرشسونلر !

سوال

۵

دینک اسباب ظهوری سعادت بشریه دکلیدر ؟
شو حالده نهدن بوکون ادیان مختلفه اربابنک آرمسند منافرت تامه موجوددر .

«ج»

ادیان سماویه یکدیگرینک متممی ، متقدم اولانلری متأخرلرینک مبشری درلر .
ادیان الهیهده کی احکام متأخرهدن بر قسمی - نوقت ایدیلان زمان تطبیقنک انقضاسنه مبنی - اقسام متقدمهدن بر قسمی ناسخ ایسهده جناب حق طائیف ، جناب حق و وحدت وعظمت و شمول علم و قدرت کی اوصاف کمال ایله اتصافی ، صفات نقصاندن تنزهی اعتراف ایلک ، کتب الهیهسه ، وسائط امر ونهی اولان رسل و ملائکه کرامته ، یوم آخرته قدره ، خیر و شرک ، بتون کائناتک ید تصرف و قدرتی ایله حصوله کلیمده اولسنه اینانعی کی اساسات محکمهده کافه شرایع متطابقدر .

انسانلرک احتراصاندن تجردینی ، خودکاملنک ترکی ، حسن معاشرتی ، بالعموم ذی حیات حقنده رحم و شفقت پرورده ایدلسنی ، هر خصوصده خیر خواه اولنی و الحاصل رسل کرام علیهم الصلاة والسلام حضراتنک تعلیم بیوردقلری فردی ، اجتماعی فضائل ایله اتصافی آمر اولان ادیان حقنک انسانلر آرمسند تولید منافرت کی بیوک بر فلا کته باعث

اولیه جنی مستفی^۱ ایضاح اولدیغندن سالکین ایدان بیننده کی منافرتک منشائی باشقه جهتلردن آراشدرمق ایجاب ایدر .

معلومدرکه انسانلر حسن استرقاب ایله متحسین درلر . اقربا آره سنده ، قرداشلر بیننده بیله تصادف اولنان بو حسه اکثریا علمی و صناعی مسالک اربابنده دخی تصادف اولنور . اسکی برعالم ، اسکی بر صنعتکار طریق علم و صنعته یکی سلوک ایتمکله برابر ساحه فضل و کالده بیوک بر تکامل کوسستن بر عالمی ، بر صنعتکاری استرقاب ایدر . بتون موجودی ایله اونی کچولتمکله ، خلق نظرندن دوشورمکه چالیشیر . ممتاز بر موقع احراز ایله سنی اصلا آرزو ایلا کندن زمان کچدکجه ابراز ابتدیی آثار ترقی و رویت اونک غیظ خصومتی آرتیرر ، اونی بتون بتون یحضور ایدر .

سیاسی ویا دینی بر جاعته ارتباط صورتی ایله عمومیلشن استرقاب ، تعصب ، محافظه کارلق کی محرکات نفسانیه تک انضمامی ایله فوق العاده اشتداد ایله جکندن رقیلرینه کتله حالنده هجوم ایدن جمعیت قدیمه تک منسوبی ایله استرقاب اولنان جمعیت جدید منسوبی آره سنده وقوعه کله جک بر طاقم خونین مصادماندرکه میانه ده درین بر غیظ و خصومت ، غیر قابل زوال عمومی بر منافرت پیدا ایدر .

عیسویت موسویتک ، اسلامیت ایسه هرایکیسنک استرقابنه هدف اولمشدی . حال بوکه تورات عیسویتک ، تورات وانجیل اسلامیتک ظهوری تبشیر ایدیوردی . حیفا که علوم ساویه تک ، دینی و دنیوی ریاستک کنشیلرینه لزوم انحصارینه قائل اولان ، الله کی منافع خسیسه تک زوالی توهم ایله اندیشه ایچنده قالان رؤسا نصوص مبشره دن ، حق و حقیقتدن تعامی ایله رکه دشمن تجدد اولمغله برابر افکار زائغه ایچنده پویان اولان عوامک حسیات تعصبکارانه سنی تهییج ایله دین جدیدک استیعماله چالشمش ، بتون اقوامک دین اخیری قبولی ایله دست بدست اتفاق اولمشندن تولد ایدمک سعادت عظمایک حصوله مانع اولمشدر .

دارالحکمه اعضاسندن

ربیع

هامش :

چریده تک (۹۵) نجی نسخه سنک [۲۰۷۲] نجی صحیفه سنک اون آلتنجی سطری [بلاد شمالیه ده مطلع اول سرطان ، بلاد جنوبیه ده مطلع اول جدی در] صورتنده اولق اوزره تصحیح اولنور .